

PLAVTI AVLVLARIA

LAR FAMILIARIS

- Ne quis mirétur quí sim, paúcis éloquár.
 ego Lár sum fámiliáris éx hac fámiliá,
 unde éxeúntem me áspexístis. hánc domúm
 iam múlto ánnos ést cum póssideo ét coló
 5 patrí | auóque iam huiús quí nunc híc habét.
 sed mí | auus huiús óbsecráns concrédidít
 thesaúrum | aúri clam ómnis; ín medió focó
 defódit uénerans mé |, ut id séruarém sibí.
 is quóniam móritur – íta auido íngenió fuít –,
 10 numquam índicáre id filiό uoluít suó
 inopémque optáuit pótius éum relínqueré
 quam éum thesaúrum cómmonstráret filiό.
 agrí relíquit éi nón magnúm modúm,
 quo cúm labóre mágno et mísere uíuerét.
 15 ubi is óbiit mórtem quí mi id aúrum crédidít,
 coepi óbseruáre, ecquí maiórem filiús
 mi honórem habéret quam eíus hábuissét patrér.
 atque ílle uéro mínus mínusque inpéndió
 curáre mínusque me ínpertíre honóribús.
 20 ítem á me cónta fáctum est, nam ítem obiít diém.
 is ex se hunc relíquit qui híc nunc hábitat filiúm
 paritér morátum ut páter auúsque huiús fuít.
 huic fília úna est. éa mihí cottídié
 aut túre aut uíno aut áliqui sémper súpplicát,
 25 dat mí corónas. eíus honóris grátia
 fecí, thesaúrum ut híc reperíret Eúcliό,
 quo illám facílius núptum, sí uellét, darét.
 nam cómpressít eam dé summo ádulescéns locó;
 is scít aduléscens quaé sit quám comprésserít,

⁵ patri auoque *P* : patriabo *Non.* 377 *L.* patrique auoque *Aldus*

⁷ auri thesaurum *Camerarius*

⁸ vel med

¹⁶ ecqui *Gulielmius* : et qui *P* et quidem *Non.* 501 *L.*

²⁰ diem *SGE*³ : die *P*

²² huius *P* : eius *Non.* 597 *L.* *Serv. ad Georg. I* 189

²⁸ eam compressit *Bothe*

50

30

35

I/1

40

45

50

55

60

illa illum néscit néque compréssam autém patér.
 eam ego hódie fáciam, ut híc senéx de próxímó
 sibi uxórem póscat. íd ea fáciam grátiá,
 quo ille éam facílius dúcat quí comprésserat.
 et híc qui póscet éam sibi úxorém senéx,
 is ádulescéntis ést illíus aúnculús,
 qui illám stuprávit nóctu, Céreris uígiliís.
 sed híc senéx iam clámat íntus út solét,
 anúm forás extrúdit, né sit cónsciá.
 credo aúrum inspícere uúlt, ne súbruptúm siét.

EVCLIO STAPHYLA

EVC. Exi, ínquam! age éxi! exeúndum herclé tibi hinc ést forás,
 circúmspectátrix cum óculis émissíciís.

STA. nam cúr me míseram uérberás? EVC. ut mísera sís
 atque út te dígnam mála malam aétatem éxigás.

STA. nam quá me núnc causa éxtrusísti ex aédibús?

EVC. tibi egó ratiónem réddam, stímulorúm segés?

illúc regrédere ab óstio! illuc sís uidé,

ut incédit! át scin quó modó tibi rés se habét?

si hercle hódie fústem cépero aút stimulum ín manúm,

testúdineum ístum tíbi ego grándibó gradúm.

STA. utinám me díui adáxint ád suspéndiúm
 potiús quidém quam hoc pácto apúd te séruíam.

EVC. at út scelésta sóla sécum múrmurát!

oculós hercle égo istos, ímproba, écfodiám tibí,

ne me óbseruáre póssis quíd rerúm gerám.

abscéde etiám nunc – étiam núnc – etiám – | ohé!

istíc astáto. si hércle tu éx istóc locó

digitúm transuórsum aut únguem látum excésserís,

aut sí respéxis, dónicum égo te iússeró,

contínuo hercle égo te dédam díscipulám crucí.

sceléstiórem me hác anú certó sció

35 est illius *Leo* : illius est *P*

40 exi² *del. Lindsay*

46 regredere *MSGE*³ : regrede *P*

48 hercle hodie *Kampmann* : hodie *B*¹ hodie hercle *B*³*DJE*

53 hercle ego *P* : ego tibi *Non. 571 L.*

56 astato *Scioppius* : atasto *fere P*

60 certo *G* : certe *P*

- uidísse núnquam nímisque ego hánc metuó malé,
 ne mi éx insídiis uérba inprúdentí duít
 neu pésentíscat aurum ubí est abscónditúm,
 quae in óccipítio quóque habet óculos, péssimá.
 65 nunc íbo, ut uísam, | éstne ita aúrum ut cóndidí,
 quod mé sollicitat plúrumís miserúm modís.
 STA. noenúm mecástor quíd ego eró dicám meó
 malaé rei éuenísse quámue insániam
 queo cómminísci; | íta me míseram ad hunc modúm
 70 deciés die úno saépe extrúdit aédibús.
 nescío pol quae íllunc hóminem intémperiaé tenént:
 peruígilat nóctes tótas, tum aútem intérdiús
 quasi claúdu sutor dómi sedét totós diés.
 neque iám quo pácto célem erílis filiaé
 75 probrúm, propínqua pártitúdo cui appetít,
 queo cómminísci; néque quicquám meliúst mihí,
 ut opínor, quam éx me ut únám fáciam lítterám
 longám, <meum> láqueo cóllum quándo obstrínxeró.

I/2 EVCLIO STAPHYLA

- EVC. Nunc défaecáto démum animo égrediór domó,
 80 postquám perspéxi sálua esse íntus ómniá.
 redi núnciam íntro atque íntus sérua. STA. quíppiní?
 ego íntus séruem? an né quis aédis aúferát?
 nam hic ápud nos níhil est áliud quaésti fúribús,
 ita inániis sunt óppletæ átque aráneís.
 85 EVC. mirúm quin túa [nunc] me caúsa fáciat Iúppitér
 Philíppum régem aut Dáreúm, triuéneficá.
 aráneás mi ego íllas séruarí uoló.
 paupér sum, fáteor, pátiór; quód di dánt, feró.
 abi íntro, occlúde iánuám. iam | ego híc eró.
 90 caue quémquam aliénium in aédis íntro míserís.
 quod quíspiam ígnem quaérat, éxtinguí uoló,
 ne caúsae quíd sit, quód te quísqum quaéritét.
 nam si ígnis uíuet, tu éxtinguére extémpuló.
 tum aquam aúfugísse dícitó, si quís petét.

65 estne *P* : sitne *Pylades*

77 ut unam *fere P* : ut I iam *Havet*

78 longam *Scutarius* : longum *P* <I> longum *Goetz* <meum> *Camerarius*

85 nunc *del. Camerarius*

93 extempulo *Camerarius* : extemplo *P*

54

- 95 cultrúm, secúrim, pístillúm, mortáriúm,
 quae uténda uása sémper uícíní rogánt,
 furés uenísse atque ábstulísse dícitó.
 profécto in aédis méas me absénte néminém
 uolo íntro mítti. atque étiam hoc praedicó tíbí:
 100 si Bóna Fortúna uéníat, ne íntro míserís.
 STA. pol ea ípsa crédo ne íntro míttatúr cauét,
 nam ad aédis nóstras núsquam adít, quamquám prope ést.
 EVC. tace átque abi íntro. STA. táceo atque ábeo. EVC. occlúde sí
 forés ambóbus péssulís. iam | ego híc eró.
 105 discrúciór ánimí, quía ab domo ábeundúm est mihí.
 nimis hércle inuítus ábeo. séd quíd agám sció.
 nam nóster nóstrae quí est magíster cúriae
 diuídere argénti díxit númmos ín uirós.
 id sí relínquo ac nón peto, ómnes ílicó
 110 me súspicéntur, crédo, habére aurúm domí.
 nam nón est uéri símile | hóminem paúperém
 pauxillum páruí fácere quín nummúm petát.
 nam núnc cum célo sédulo ómnis, né sciánt,
 omnés uidéntur scíre et mé benígniús
 115 omnés salútant quám salútabánt priús;
 adeúnt, consístunt, cópulántur déterás,
 rogítánt me ut uáleam, quíd agam, quíd rerúm gerám.
 nunc quó proféctus sum íbo; póstideá domúm
 me rúrsum quántum pótero tántum récipiám.

II/1 EVNOMIA MEGADORVS

- 120 EVN. Velím te árbitrárí me haec uérba, frátér,
 meái fidéí tuáíque réí
 causá fácere ut aéquúm est germánám sorórém.
 quamquam haúd fálsa súm nós odiósás habérí;
 nam múltúm loquácés merito ómnés habémúr,

¹⁰² nusquam *BJE* : numquam *D* adit *B¹* ut vid. : adiit *B²DJE* quamquam prope est *B* :
 quamquam prope *DJE* quaquam prope *Pylades*

¹⁰⁸ dixit nummos *P* : nummos dixit *Ps. Asconius, Cic. Verr. 1.8.22*

¹¹¹ ueri simile non est *Pylades*

¹¹² quin *J* : qui *BDE*

¹¹⁸ post idem *P* : corr. *Camerarius*

¹²⁰ me<d> *Guyet*

¹²¹ meai ... tuai *Reiz* : meae ... tuae *P*